

T 5453/4101

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941

2

2

皇皇在茲

時孔在焉

時孔在焉


時孔在焉

時孔在焉

時孔在焉

時孔在焉

時孔在焉



豐草菴詩集

病孔雀編

病孔雀

聽雨

春日

四首

聞警

春雪謠

感懷

憶旣方

西溪客出訪友人

喜

閔持訥至

二首

春日寄持訥翁書

老馬

蠶豆

移梧桐一絕

蒼頭借書未至

題

豐草菴書譜

菴居雜事

三首

西溪客踏雨

南村

布穀

海棠杖

清明竹枝詞

張



非翁為余買書志感 買花 種蓮 錦邊

蓮和非翁 喜持訥至 感園客先生借書

漫成二律 汲水洗砌石偶賦 讀射堂詩

志園子山中寄藥苗 遠遊吟贈西溪客

時西溪客將遊吳閶 架屋詞 曉起 閱

許有介米友堂集感舊 雨齋 宮人入道

和唐人 小童定名渡村思鹿山也 秋夜

夢至玉真仙觀閱古畫甚奇偉余題其卷首

云千門萬戶畫地成圖覺而異之適敬夫有

賣花之作因用其韻 欲結菴玄墓 夢夾

山漾 虞聖民至自竹墩言二三月間東林

有燒野香故事余聞而異之 登樓書所見

遣信吳門買書未至 身後吟 畫漁船

今日日南至 寒日有感 風雪中話楊

機部先生 雪 蠟梅 歲暮 歲盡西溪

客別去 土室詞 掃塵詞 祭竈詞 土

室種蘭 命樵兒和種蘭詩復用前韻 書

屋初成 歲寒香 正月辛卯鄰家娶婦住

船柳岸余欲移梅南莊便從借船 示樵兒

哭青藤 春盡寄竟孚 寄不寐道人

病中晤王子 代簡邀西溪客 樵兒病瘡

愁懷 何處難忘雨 夢裏

豐草菴詩集

哈佛燕京圖書館珍藏印

吳興董 說若雨著

病孔雀

辛卯

頻呼都護立江沙 孔雀鳴若 翠尾新凋五色霞死

骨願埋南海土夢魂飛繞刺桐花文嬰世網偏多

悔 山谷題畫孔雀枕椰著天 渴飲寒泉祗自嗟 杜甫

蕉葉長終露文章嬰世網 赤霄行孔雀未知牛有 憔悴形容人不賞莫教圖

角渴飲寒泉逢觥觸 畫入侯家

聽雨

梧桐滴瀝客心驚撥盡鑪灰白髮生雁落秋江愁
萬里燈青孤館坐三更當年箬笠人何在明日溪
橋水又平尋著漏聲當屋角夜深百匝繞書行

春日

四首

蓋牆薜荔屋欹斜適意圖書閱歲華墨搗湘雲鎔

鹿角香拈百和煮梅花

余製墨名湘雲又為山家百和香與花瓣同焚殊有

清致

庭前怪石堪成譜夢裏青山便是家快雪初晴

春又綠呪他新雨長茶芽

獵獵淒風紙幕垂棊臺塵厚石枰欹蘭栽村市收

燈日香搗鄰家打稻時

累月凝寒春孟猶聞打稻

聾劇已忘人

責券倦來喜免客投詩今年雨冷花開緩為卜新

梅又數著

野人踪跡背時宜新鑿墻頭牖一規墨杵聲中臨

丙舍藤陰疎處曬辛夷但箋香草能醫俗祗話雲

山也療饑名是無名字無字

余有余無名印

不妨自草夢

豐草補詩集
鄉碑

煮茶烟透綠陰中遮屋黃茅間瓦松但遣異書供

研北不妨野語聽齊東

周密著齊東野語

香拈細雨招新

夢門閉春風仗短童秋色今年應更好小窻移得

碧梧桐

聞警

樵船載圖書移家鹿山去何以珍護之斜閣松深處歸來春幾綠歎息空往事藏書託新構豐草名

自署夜聞鼓角聲秉燭倉皇視摩挲响嶠碑與汝待天曙

春雪謠

黃鸝無聲寒竹瀉茶烟斷續西牕下兒童拍手草堂前湖頭雪壓看花船

感懷

茅屋三間亂篠灘繡苔石落燕泥乾蠶眠初起桑園開茶價新高瓦鼎寒樵艇許分叉畫杖竹籊喚

揀釣魚竿摘來姊妹花偏豔白髮愁看獨倚闌

憶既方

殘日立松影春齋知對誰看君騎馬去是我別山
時有子經堪授當年髮尚垂只今愁不見點筆記
相思

西溪客出訪友人

野水危橋路幾層借書却拄看雲藤閑過竹院思
曾到遙見春山惜未登此去隨行還欠鶴他時重

訪合携僧南村回首高吟處漁路垂楊挂短簷

喜閔持訥至 二首

故人老學野樵裝細雨輕舟住柳塘衣袖薄垂懷
古帙藥囊添重帶名香卜居我轉青楓式相宅君

嫌薜荔墻

余為持訥作卦持訥喜談五行苦欲剪墻頭薜荔

解道平生飛

動意杜陵端的是詩王

杜甫少時受神誥有詩王本出陳留國語

百規宮餅伴山裝滿篋新書并贈將十載空遊南

海夢今朝真續少年場

時贈余許有介集

元戎冷落看醫

壘故國飄零惜內香

持訥復贈壘元戎六冊官香二篋

翻話草堂

門外事板橋春色數垂楊

余不見門前柳色數年矣

春日寄持訥翁書

懸知書到後心揣剝封時定劇清羸疾來徵野外

醫斜陽披小牘鄭重借新詩白髮淘華老呼筇出

短籬

持訥有淘華書屋

老馬

玉勒曾嘶出塞聲御前同奏戰功名老來一任無

拘束放在平沙細草行

蠶豆

誰賦田園雜興題琅玕記取夏初垂喜看桑底懸

新莢恰值蠶眠未吐絲細雨賣茶聲過後竹爐燒

笋火停時沙瓶漆榭分前咏豌豆今逢第二詩

誠齋

集蠶豆詩有沙瓶新熟西湖水漆榭分嘗曉露腴又言蠶豆未有賦者蓋豌豆也吳人謂之蠶豆

移梧桐一絕

四月溪堂漸綠陰數章落葉倡哀音琴材待付雷

豐草補詩集
家新移近西牕聽苦吟

蒼頭借書未至

錦囊初別故人居
帆背茗溪指舊廬
細雨正逢南去雁
野航劣受借來書
多應解事能懷古
未必臨風獨怨余
箬笠已穿蓑又壞
桃花流水亂歸漁

題豐草菴書譜

病來圖史喜偏增
竹架玲瓏疊數層
有日暫拋緣聽雨
他年終捨去爲僧
窻中磊磊西山石
閣外垂

垂百歲藤目錄編成空自惜
幾家傳得讀書燈

菴居雜事 三首

門掩溪南自種蔬
十年不上看山輿
漸遮牕影離盆樹
忽亂波紋散子魚
架借異書籤代換
雨蒸舊畫軸頻舒
日長睡起茶烟冷
蝴蝶花開夢客廬
僮約新頒種樹科
擬鐫花曆石新磨
空堂鍊墨搗茶白
細雨借書披釣蓑
畫帶乍驚啣藻燕
卦錢移買放生螺
竹枝拗作池邊柵
爲怕兒童摘早荷

歷亂苔生藥浦畦懶將身世算枯著古人不見那
須恨俗客無來自一奇祇為山川增涕淚可憐風

雅又衰危哀吟坐盡三更雨文苑刪成欲寄誰時成

文苑英華詩略

西溪客踏雨南村

羨殺看雲拄杖輕老懷空負踏春情人從燕子飛
邊去獨繞闌干曲處行江上愁心春雨綠斜陽歸
路小橋橫守門童出前溪候認得來時屐齒聲

布穀

布穀聲聲釣艇開洞庭影沒亂雲堆牛羊歸盡江
村黑渡口人喧雨陣來

海棠杖

虞聖民贈余杖曰此西山中海棠榦也感而賦之

稜稜骨相瘦筇儔不似春風逐隊柔舊日繁華誰
夢見老來憔悴伴僧遊傷心絕藻俄才盡忍對傾
城又白頭莫挈少年塲裏去只宜烟雨楚江秋

清明竹枝詞

客有從吳門來語風
土近事韻語記之

班首申衙舊擅場梨園白髮道家裝西樓樂府朝
來演老去風流是穆孃

聚頭扇子寫卿卿輕薄兒郎共結盟不是狹邪偏
意氣近來歌舞重虛名

布穀聲中喚酒船同春館去買新牋幅幅泥金描
彩鳳十王名帖揀紅鮮

碧紗轎駐水塘灣楊柳風吹燕尾鬟要赴燈前絃
子社莫携儂上虎丘山

張非翁爲余買書志感

感恩聊寄綠葵牋重結他生文字緣門外苦催賒
藥券人間誰假買書錢空登西閣日相望同在南
村竟各天萬卷子孫能永保只教世世頌高賢

買花

前裝梔子後山鶻纜結垂楊細雨天若肯載將書

盡去病夫也坐賣花船

種蓮

今年五月晚涼天架上青松檻外蓮要定採蓮新
曲譜却煎蓮葉染藤箋

錦邊蓮和非翁

五月汀洲別樣妍淡霞一縷晚涼天證成白地元
非染改作烏絲好製牋曲沼紅欄銷夏處紵衣繡
帶采香船定知子夜添新咏解得相思莫問憐

喜持訥至

索索枯荷響草堂爐燒新製翠寒香

余製翠寒香屑殊有遠韻

高人坐久添詩話病客秋深覓睡方書向種瓜村

裏借

余從園客先生借書持訥為微生之乞

葉當賣藥艇前黃世間

幾箇清如許白髮飄蕭意正長

感園客先生借書漫成二律

借書前度雁初去此日寒村葉又黃解帙正當聽
雨處酬恩欲寄擣香方不知何事謬心許相見無

緣祗斷腸幸有先人敝廬在幾時來訪蓼花塘

舊本親抄墨尚新寄來硯北暫忘貧風流罪過曾

何損泉石膏肓有幾人兩世借書成故事先君昔從園翁

借書一家知遇似前因湘人為園翁令嗣亦屢假余舊本 疊山集望

重抽架料得先生不厭煩時託持訥借謝

汲水洗砌石偶賦

雨餘仍抱甕石子露文疎便與客同坐細商籤外

書竹枯儲作帚泥潤中栽蔬雙鳥忽飛去隔墻人

荷鋤

讀射堂詩

耆舊銷亡倍可憐射堂格老壓吳天詞場唱徹三

千里詩統前空五百年芳草落花調馬地斜風細

雨釣魚船高情淡蕩渾如此若箇承他夜半傳

志園子山中寄藥苗

七月故人來快說山水狀西村授經處開門對青

嶂平生愛山癖餅餌挂藤杖穿石踏杉影日與樵

豐亨耆詩集
人兩路盡見高僧敲鐘水簾上法堂秋草深石鼎
屹相向薄晚豹蚊飛焚蒿替幃帳語罷君出門蒼
茫嚮西望藥苗昨寄與遊跡正清放

遠遊吟贈西溪客時西溪客將遊吳閶

那能送君行只作君歸語松陵雨望洞庭山模糊
一片青蘆葦人背蒲帆立船尾

架屋詞

秋日以樵採餘材屋上架屋縱望
天西南角足當卧遊作架屋詞

屋頭小架爨餘材草創村家竹裏臺借得蓑衣兼
笠子雨中坐看亂雲堆

西弁峰青落日間洞庭斜露碧烟鬟竹頭木屑無
多子買盡吳山又越山

遠村一段夕陽愁祇是霜林葉未稠替種數株烏
柏樹年年九月隔溪秋

鹿山空作夢中遊榭葉斜橋古渡頭雲斷郭西愁
不見幾時再起一層樓

曉起

滅燭披書讀未明
空庭著屐繞堦行
青藤一架雨初霽
淡月半墻鷄亂鳴
種樹人肩泥鋪去
撈蝦船觸水籬聲
今朝擬補園林課
竹徑教編石子平

閱許有介米友堂集感舊

身是君家弟子員
喜看絕藻又空群
新裁鈞笠酬知己
曾著青衫論古文

玉史先生往督學兩浙余以古文見知

斗酒

未澆南越土
瓣香遙禮海天雲
祗應地下還憐我

豐草千篇擬自焚

雨齋

漁艇度聲濕溪寒
雨一庭墻低看鳥遠
窻破漏藤青釀荔
添花譜糜榴驗墨經
西偏堆石處少箇夢

山亭

宮人入道和唐人

聽斷昭陽鼓吹聲
道家衣向御前更
從拋團扇三秋怨
却勝琵琶萬里行
留錦祗謀裝秘笈
買絲還

擬繡飛瓊天家異日賚香使白髮宮監記舊名

小童定名渡村思鹿山也

槲葉響樵路斜橋水一灣渡村忘不得相伴夢青山

秋夜夢至玉真仙觀閱古畫甚奇偉余題其

卷首云千門萬戶畫地成圖覺而異之適

敬夫有賣花之作因用其韻

滿地松釵石齒斜樵夫指是玉真家人間九月攢

霜菊洞裏千門著杏花散客倚闌方點筆短童卷
袖笑擎茶擘窠大字留題遍氣壓能書蔡少霞

欲結菴玄墓

掩戶話青山我心已馳往黃茅結亭子生賴煙雲
養挿架萬書籤嘯讀松杉上

夢夾山漾

新雨春樹綠放舟夾山漾帆偃溪風微船頭紫藤
杖故人卜何子遠立茅亭上相呼不能近蘋月生

輕浪

虞聖民至自竹墩言二三月間東林有燒野
香故事余聞而異之

東林山口濕雲開盡插山花帶笑來燒罷野香人
散去青楓樹下紙錢灰

登樓書所見

疎林葉赤水生烟正是江南曬稻天隣舍蠻童花
插髻柳陰撐出箭泥船

遣信吳門買書未至

思遠不成夢瑟瑟飛寒雨屢誤風牕聲嘔啞認歸
櫓吳山梅未花留連定何取天明呼小童頂笠候
漁浦

身後吟

共飲秋山茶聽我身後吟身前愁浩蕩身後言苦
辛小傳述窮愁寄賴平生親文章貴直筆要使大
義申美惡不相掩實錄寶天真逡巡徒諛墓高意

豐草齋詩集
成埃塵尺短寸有長我質誠未純冷若九秋雨沒
世無陽春自評確不易瓌屑聊爲陳手著一函書
副入空山墳誰爲理殘藁寄與蘆中人
我友嚴子自稱蘆中人
蘆中人不來迴腸轉車輪吞聲莫慟哭竊恐惱
比鄰

畫漁船

平生無畫才愁至筆聊及寫作小漁船磊落江濤
立呼兒兒不前僕老持紙泣兒癡一何甚僕淚一

何急共立雨聲中南飛雁音澁

今日日南至

今日日南至前去三十年歷亂傷懷抱要踏尋山
船漁子甫三歲索栗啼我前見我疊行囊牽衣問
因緣嚙指不能荅掩淚向壁眠夜久燈焰微兒去
人無喧起步躡愁影細雨風相連平生忽兒女輕
若秋蒂翩那知相決絕腸斷呼蒼天聞有飛形藥
尸解亞神仙誰能乞刀圭令我生乍捐死去冥無

知生離實愁煎

兒女尚自可白髮親相憐恐傷慈母心負罪通于
天止止勿復道無令愁語傳欲去去未能欲止止
無緣欲死魂未離欲生難駐年

吳興盛風雅清絕天下傳先人力振作豪氣壓當
年詩名屬我家磊落江南天樵兒年十四學語劣
成篇昨賦古戰場似有文章緣使我終教之家聲
應未湮今當以愁死兒業遂棄捐

洗我缺角硯穿我擲卦錢芒鞋及箬笠瑣細那可
捐書盡共藤笈錦帶互糾纏旣無遠遊心行裝何
燦然非無遠遊心水深渡無船登樓望西塘高帆
去翩翩卞山沒不見作雪雲滿天

平生著易發律呂表幾先不學漢京房納甲配兩
弦斲石屬山匠匣秘書百篇草木及鳥獸名物欲
細箋郭璞注蟲魚何必非古賢爾雅不磊落韓子
言未然惜哉書未成投筆生難延

我有所生母地下音難傳中夜夢見之拭淚青松
邊撫我謂莫去欲去宜早旋醒聞南雁飛背壁孤
燈然明朝紙窻底莫寫遠遊篇

結交少年場立身慕先賢布衣不自愧偃蹇公卿
前那知南村中俛受僮僕憐僮僕憐尚可買帖囊
無錢

庭中有老樹醜葉枝不妍風霜逼歲暮坐對心苦
煎村西三十里晟舍有高賢其人姓閔氏字客寇

以園有子與同隱圖史許分箋五日遣奚奴十日
寄樵船傾箱發秘異胡爲獨纏綿死無報恩期吟
與後人傳

復有非齋老講帳南村懸其尊爲父執高靜如古
禪借書動百軸兼餉買書錢太湖村之東晟舍村
西偏千秋表高行合璧稱二賢

敲門呼敬夫紙燭夜自燃起起欲共語坐定忘其
端敬夫爾知我安能復長年圖書藏副墨莫遣後

豐草春言集
無傳

寒日有感

藥券頻題已不靈
風爐灰冷側沙瓶
柴門永閉人空老
積雪半消山未青
牌握象牙推納甲
鋤携鴉觜教添丁
著書怕觸親朋諱
座右須懸沒字銘

風雪中話楊機部先生

當年野泊崑山下
古墓草荒排石馬
並船乍遇楊先生
蕭蕭不是風塵者
上書自請斬樓蘭
拔劍燈

前夜獨看囊中出塞一吟軸
竒字歷落蛟龍盤
薰爐火冷撥灰坐
話到英雄暫辟寒

余遇機部先生歲在庚辰

雪

不來窗外看總道葉飛聲
滴硯水先凍讀書堂轉
清人間茶話細船聚板橋
橫憶向畫圖見客騎驢
子行

蠟梅

東籬寂寞斷幽香
格外寒梅傲短墻
小院晚風殘

豐草齋詩集
歲盡半庭淡影夕陽黃山家摘菜添銅鼎野老穿
花稱道裝不是氤氳聞別調却疑秋葉滿林霜

歲暮

東偏門小蔽青藤作雪雲堆晴未能病骨朽如前
歲曆老懷澄似退堂僧僕謀種菊嫌籬缺兒課抄
詩訴硯水保得數椽茅屋在年年寒竹漏書燈

歲盡西溪客別去

雀聚簷頭霜滿林兩年悔負看山心

有同看吳山之約不果

人當難別反無語日到歲除偏易沉生怕送行詩
入俗只將落葉句長吟重來莫訝添籬隔要護講
堂深復深

土室詞

西偏書屋貧不能具地隔作
土室詞使童子長歌自解

一片春苔籍竹牀亂藤侵遍盡山墻田園風景真
奇絕書卷齊堆打稻場

休疑蜀道上青天行路崎嶇盡可憐實地踏來心

豐亨雜言集
較穩從今拈出祖師禪

掃塵詞

吳俗十二月掃塵為
歲除風景作掃塵詞

蓼蓼臘鼓掃塵時
豐草菴空竹拂垂
自信世間塵不到
平生長隔庾元規

祭竈詞

祭竈燈寒祝語疎
自將功過默乘除
風流罪業應難免
偷寫人間幾葉書

竈王歸去海雲稠
應記南村人正愁
為上綠章封事奏
青山乞與半生遊

土室種蘭

壬辰

土室貴返朴坐處春
草生拔草種蘭窠
躬學老圃耕銅瓶
朝瀉水南窻初雪晴
花向架書垂葉鬧
春風聲發几研勝
繞池塘行

命樵兒和種蘭詩復用前韻

有待覺為煩不遣一念生
掃室種幽蘭及此未春

豐草齋詩集
耕仰視屋梁摧斜隙漏新晴花葉相向綠摩切清
鏘聲當門不用戒齋室斷人行

書屋初成

九曲籬成自往還亂藤遮屋不須刪愁來草閣四
窻雨夢裏江南萬疊山買艇劣容琴鶴共種松兼
辦子孫閒一丸泥斷東偏路只遣清風夜扣關

歲寒香

松針栢葉採貴生調和棗膏荔子并搗之萬杵藏

翠罍謚曰歲寒香莫京空堂風雨爐氣清激發竹
樹開秋聲孰始制作余無名

正月辛卯鄰家娶婦住船柳岸余欲移梅南
莊便從借船

竹窻幽夢自天涯夢踏春山看採茶睡起日斜添
恠事畫船簫鼓載梅花

示樵兒

晴窻弄筆累呈詩家有圖書善護持佛閣且隨余

豐草補詩集
合爪人間何事不低眉總拋得失騎牛外只較輸
羸闖草時依樣葫蘆定無害他年也作示兒詞

哭青藤

遮屋青藤余苦愛之
一旦爲鄰家剪去

碧葉玲瓏亂篠間愛他翠疊似空山只供清賞那
無罪不入時宜合受刪便減一分秋雨響直銷四
面草堂顏從今但作秦郎夢醉卧藤陰杳不還秦少

游詞醉卧古藤陰
下杳不知南北

春盡寄竟孚

只遣消搖屬夢遊架書緣懶怕頻抽豔香思殺海
棠國涼雨作去聲成罌粟秋飛燕遶堂如說呪茶童
雙髻稱騎牛高吟趁取長風便人在南村古渡頭

寄不寐道人

燈點長明精舍幽江南鼓角亂邊愁竒文偏削睡
鄉記佳茗還封不夜侯畫壁卧遊青嶂小紙窻聽
雨綠蕉秋夢華一卷從頭錄眼底茫茫禹九州

病中晤王子

破例邀君坐水亭從教疑殺老園丁別來桐樹幾
回綠話斷茶烟一線青西漢藝文誰載道南村花
木盡談經要裝落葉新詩軸乞取長歌當座銘

代簡邀西溪客

不及共聽雨新晴聊爲來夏園詩未續寒釣軸初
開茶劣議烹水盆閒欲種苔相逢無限話莫作借
書猜

樵兒病瘧

南村屋老樹成鱗黃葉相看病裏身好點禪燈叅
冷暖試開藥裏辨君臣愁逢秋雨還成例句驗翁
詩未有神何日籃輿踏山影一家強健訪樵人

山舊樵故
末韻及之

愁懷

石堦放盡舊蘭窠雨探藤花借屐拖門向春風空
自閉言逢快意又成訛香憐亞濕將詩換曲買冬

豐草齋詩集
青教子歌老去欲圓漁艇夢從今結網并穿蓑

何處難忘雨

樂天有何處難忘酒七首余用其體作賞雨詩使後人知余之嗜雨如樂天嗜酒也

何處難忘雨涼秋細瀑垂小牕佳客在白荳試花
時漁笛聲全合水村煙正宜溪山茗上好雨癖少
人知

夢裏

夢裏村人說秋江繞盡旗病隨新話減老惜太平

遲出塞誰家曲從軍幾軸詩小遊能決勝試布九
宮碁

豐草菴詩集目錄

紅蕉編

咏紅蕉 二首

買童名如夢

春雨

閔持訥

晤余述棲雲禪師天台時事

出門

夜泊

松陵過包驚幾故宅

過吳王治軍處

木

瀆道中

靈巖歌

浩歌別長嘯翁

示漁

童憨文

古怨用孟東野韻

梅花乳

字

釋 樵耒詩示二兒

夏日晤長嘯翁斜陽

別去 五月歸自靈巖閱幃孺姪咏曇集

渡口與胎簪十兄夜話 補籬限韻 反苦

寒吟用孟東野韻 住住歌寄山中人 住

靈巖峰頂 六月得夫山和尚書長牋細楷

詞義粲然末後數行述山中近來多事無暇

法語此靈巖一段新公案也 七月紀夢

黃鍾引荅幃孺姪論易 行藥夢華潭口

話鹿山舊事 擬遍遊吳越 浪遊 雨遊

秋蟲 桃葉引 賒書戒 自題草菴群

碎錄 賣田 秋夜吟 秋日將至靈巖

偶拈陶宗儀詩依韻賦卽事一首命樵兒和

之 菴中童子夢至靈巖 待西溪客不至

還山吟 漫興用前韻 山夜晤友人

秋齋雜興用前韻 樵兒和韻余復點筆

夜讀石湖集復用前韻 擬闢四聲牌待竟

孚不至用韻促之 寄友人復用前韻 漆

鏡堂雜興 荅友人復用前韻 愁語復用

前韻 夢華潭卽事用非翁疎字韻 雨後

放言復用前韻 共友人話元次山詩復用

前韻 雨中約西溪客復用前韻 聞非翁

卜居潯上復用前韻 兒輩過豐草菴呈詩

復次前韻示之 咏漁婦復用前韻 有感

復用前韻 自述復用前韻 首一 夏日同竟

孚快論六書復用前韻 荅兒輩問疾因話

出門復用前韻 草菴紀事復用前韻 感

事復用疎韻 復用疎韻荅竟孚 晨起復

用前韻 贈方外交復用前韻

豐草菴詩集

紅蕉編

吳興董說若雨著



咏紅蕉 二首

癸巳

半籬涼翠擢新莖刺眼紅牽海外情色減每增南
客歎愁多爲借美人名滴殘秋雨心還卷聽到寒
蟬子未成閒把杜詩相傍讀也應腸斷蜀鶻聲
南中山水錦成堆翠葉空將秀壁猜製譜客言蘭
別種賣花人自日邊來落成紅雨飛鶻淚採得玄

珠壓麝煤一百八穿蓮社樣石樓長伴梵聲哀

買童名如夢

寒峰七十二余昔夢見之篆牌凝石綠七字剪新

詩

數年前夢至石樓有七字篆牌云七十二峰生曉寒

西山授經客杖揀海

棠枝

友人從山中致書寄海棠杖

緘題送南村纍纍煩致辭相

勸發遊跡苦惜少壯時五嶽待婚嫁青鞋空爾為

開書動長歎人世多傷悲昔負遊仙夢今捐塵外

期秋山出畫厨田園聊構奇自號卧遊氏夢適覺

亦宜是日買樵童髮短未遮眉安名定如夢馳寄

良朋知

春雨

鹿眼籬新織村聲隔轉遙試鞋愁蘚滑鍊句怯香

銷瓶受養花雨溪修接寺橋夢中遊跡浪魂倩小

童招

閱持訥晤余述棲雲禪師天台時事

空山兀兀坐禪僧屋縛黃茅柱借藤一陣腥雲龍

過處松鱗昏黑鬧青蠅

積雪埋龕徑不通地爐煨芋火微蒙紅輪忽躍千
山表身在琉璃世界中

出門

遊子出門日澹澹水楊掠岸風悽悽臨河莫奏公
無渡別曲休彈烏夜啼三百丈瀑挂蓮社五千仞
嶽拔天西山經繫著枯筇竹緊峭芒鞋路不迷

夜泊松陵過包驚幾故宅

識面是長訣婁江縞素時亂來尊獨行死後證相
知岸閃漁舟火門飄野廟旗不曾携斗酒祭友例
憑詩

過吳王治軍處

遙山一點黯如雲不見吳王舊水軍學得江村茅
屋樣四簷繩網織斜文

木瀆道中

靠山結屋路斜出拜樹成籬葉倒生賣魚人踏石

豐草菴言集
楠影卸笠放船天晚晴

靈巖歌

泰伯南遊踏海水身畫龍文混龍子靈巖開山第
一人高風冠冕靈巖史勅山鳴冷松杉香千古吳
王歌舞塲秋塘獵火閃旗影蛾眉結隊齊軍裝海
靈宴散玉笙歇麋鹿滿山開野棠采香波定塔空
挂響屨塵銷月轉廊一朝陡變青山格旋轉乾坤
老黃檗挽得匡廬瀑布來寒流倒挂三千尺蓮社

高賢海外心洗盡吳宮綺羅跡列傳從來首伯夷

世家次序先吳伯龍門奧府人不知史綱正眼誰

開闢山房雲斷梧桐秋一窠香篆江天碧

泰伯墓
在山麓

浩歌別長嘯翁

夜半山堂唾壺缺切雲冠對春風裂身逃吳會少
年塲壯懷共立斜陽說寶刀鍊鑄荆軻心銷作清
鐘龍鈕結嗚咽聲招杜宇魂蘇花血染沙塲血蘆
中人長嘯客廬山許我問高賢四海憑君教豪傑

示漁童憨文

挂帆隨天風遊跡昧南北船頭撥槳人饑顏秋草
色歛眉問何之欲荅忘所識獵獵菰蒲中良久相
向默謂余太憨生憨遊自竒特鄭重告憨文機盡
神無惻試寫昇天謠仰視雲中翼

古怨用孟東野韻

小盡二十九夜黑渡秋水銷盡明月魂明月為誰
死

梅花乳

癸巳五月家中復舉一雄名之曰村字曰
古雪索篋中得梅花落瓣一裹余出新意
製先天玉液法令用梅花屑
和乳飲之故乳名小梅也

三生不用話因緣冷澹家風第一玄細擣梅花聚
香雪鍊成寒玉補先天

單方玉乳莫輕傳送臘寒花格外妍他日阿翁浮
海去一村晴雪渡頭船

字釋

余既字六子作告其辭曰告樵牧未舫漁
昨定小梅名思及汝等都未有字雖皆童
稚未應然我已置身方外萬一長者過愛
不能曲鑿我心使汝等稱名未野違禽鹿
之性亦令空山中入死有恨結今定爾六
人名字阿來名樵字裘夏一字竹坡號煙
疾生阿辰名牧字放雲一字祝琴號鐵笛
生大奇名耒字江屏一字千巖號退谷子
小奇名舫字浪仙一字散客號野渡生阿
子名漁字蓑江一字隨隱號江湖長小梅
名村字古雪一字逋翁號寒峰野人青松
白石實聞我言其明日復作字釋詩以俟
家 乘

拂手背延陵樵坡花竹窟披裘衝夏雲寧為遺金

出俗外子山辭

庾信贊披裘當夏俗外為心

藏名皇甫筆世乏

龍宮方莫惜煙霞疾

釋樵字

祝牧遁榮聲援琴歌負戴山閨刻隱盟杏花承仙

賚曉登雲外壘月泉吟不再放犢繪田園詞場動

深慨

釋牧字

江猿吟翠屏夔州荷鋤雨灑西託草堂白頭悲杜

甫不如石戶農海山遊太古千巖及萬壑耕盡雲

霞圃

釋耒字

甫里散誕人志散江湖傳蓬席透茶烟泛宅蘋江
面野渡釣船橫那畏秋風戰浪看茗雪雲仙遊應
未倦

釋舫字

蓑影落空江拍手秋烟綠漁歌翻舊譜唱繞青山
足一竿脫是非千里無拘束謝翺記釣臺高情後

誰續

釋漁字

耆舊歎張靈死憶梅花麓羨殺古林逋晴雪圍書
屋祖德隱苕溪梅村老耕讀所以卧遊生氏借孤

山族

釋村字

樵耒詩示二兒

空山闢樵路太古無鳥跡雲梢斷復飛竹瀼遙轉
碧鐘尋烟外寺碑剔蘚中石卸笠數晴峰貪竒忘
日夕

樵

肩鋤立板橋水村敲社鼓一片堯時雲數家秦代
譜畦青麥浪翻牕白蠶絲吐擬畫田園詩春楊挂

山雨

耒

夏日晤長嘯翁斜陽別去

舊事相逢話半忘
樵船還望寄牋長
數年長嘯翁
每寄書樵艇

東京錄裏尋漁浦
鄭谷詩中憶草堂
孟元老著東
京夢華錄鄭

谷咏鷓鴣
名鄭鷓鴣
何國姓何山海濶
昔人非昔水田裝
休

將樂府題拈遍
生怕傷心結客場

五月歸自靈巖閱幃孺姪咏曇集

草閣卸歸裝
笠帶靈巖雨
高松集涼翠
堂空燕方

乳西牕點咏曇人
靜添香炷開卷慕
嚴陵悲絃爲

誰鼓涉聽音和平
其心良獨苦平生
夢釣臺未進

秋江艣昔遇長嘯翁
蓮莊嚴子善嘯
余呼爲長嘯客
壯遊能自譜

深嗟七里灘
細石澄可數
遊懷觸新句
肯戀南村

土與爾辨青鞋
江南就紅樹
握手共登臺
斜陽慟

千古

渡口與胎簪十兄夜話

北渚相逢漫品茶
青山話斷話桑麻
袖中未滅雙

瓢字燈炷重開
夜雨花
余八年前曾寄兄書有雙
瓢對掛之語又憶辛巳壬

午間西牕共讀約盡三更
每戲指燈花相為憫歎
樂國高賢傳合璧
慧持為遠

公之弟
廬江通隱恣柴車經生習氣銷難盡古韻三

更證琵琶
琵琶字入聲向徵唐咏余又據劉熙釋名字作枇杷證其通讀深夜偶談為鼓掌

之資耳

補籬限韻

丁東藥杵喚停敲重織筠絲結舊巢杜甫收瓜除
晚架天隨剪杞入秋庖放鬆承露出門仄避竹行
鞭結角均明日擬將書畫曬軸中仙影看三茅

反苦寒吟用孟東野韻

苦寒但敲火苦熱愁枯桑風炎退溪綠日猛銷藤
光誰將冰雪文寄我南村陽報以凉心鏡背篆龍
鳥章

住住歌寄山中人

住住無絃譜出幽琴趣萬戶千門拔地開百非四
句先天註震納庚子坎戊寅花甲分明水東赴小
坐山房几案空藤牀缺足安樵具自言翰墨少年

豐草者言集
遊辭場旗鼓江南樹一從探得桃花源指迷誓鑿
漁人路龍爪空韜東晉書金聲嬾擲天台賦斬新
一片無字碑磨泚堅處青山露悔心不禁拍闌干
廿年真爲儒寇誤

住靈巖峰頂

家在松陵西復西樵船春放鷓鴣溪更生昔日元
名向中散先人舊姓奚峰繞石樓遊是夢眼空雲
海物真齊藥爐茗椀生涯冷又盡禪房一甕藟

六月得夫山和尚書長牋細楷詞義粲然末
後數行述山中近來多事無暇法語此靈
巖一段新公案也

雲截山腰青未舒金人緘口證真如定知兀兀元
無事始悟匆匆不草書

後回覲面雁聲天栢子休拈骨董禪石壓木犀雙
偃蹇蒼龍尾挂法堂前

七月紀夢

庚戌月落領新夢籬角南蕉放葉長穿雲直上一
千尺綠葢江天草閣涼虬髯自訝拂堦石倒挂松
葉風飄揚垂楊左肘已竒僻種松領下誠荒唐不
須長柳發占鏡白荳花前盡瓦觴神靈秘旨我能
會要廣松牋補夢鄉

余夢鬚成松葉垂數尺仰見綠蕉蔽天

黃鍾引荅幃孺姪論易

黃鍾不揭文韻劣世間絕倒南村說黃鍾道荒易
運亡共笑狂夫病轉狂狂來竹翦雌雄管吹出屯

蒙聽長短七十二律輪天環六十和鐘聞者罕宛
丘繼統華山仙卦繪方圓著書嬾殺恨神人付睡
方全圖夢裏風吹散漢朝文苑領英華出震曾無
南指車李郎推律謬更姓遊魂納甲雕秋霞玄枵
倒跨蒼龍去山腰溪口浮雲遮萬事不曉草玄老
泰初末後揚塵沙長楊羽獵不須悔空識竒字排
州家誰能喝住羲和轡暫靠扶桑問易差

行藥夢華潭口

豐草者言集
吟立西南角潭秋雲亂生浦思前夜釣樹露別村
晴記補竹籬缺私拈客句評醉漁歌正好再轉後
溪行

話鹿山舊事

閒度書堂橋青山影中坐紗飄樵笠來鉢響僧裝
過雲放半村晴松作千年卧童搖訪澗船又踏蒼
苔破

擬遍遊吳越

吳郡名山洗雙眼越中仙都隣故園青鞋布襪只
今始白石長松聞我言九十日春雨亦好三千年
史辭何煩讀書裏足廢遊覽禽尚不如秋嶺猿

浪遊

窮愁難募購書錢浪跡江村詰曲穿西塞詞拈青
箬笠樊川句說半晴天交多衲子偏尋寺社有漁
郎慣借船莫榻鼠鬚修襖帖幾人感慨永和年

雨遊

昔同長嘯客放船論今古帆落青楓村楚雨聽寒
浦燈輝撥不明寥寥四聲鼓近築逍遙遊近屋上
架屋名

逍遙遊 雲林坐中取幾點西南山碧浪浮可數高牕

急雨來峰沒青無縷吳家畫狀元風塵素非伍購
得歸舟圖潑墨鳴風雨闔石怒篙聲傘隙衣千補
以此三因緣聽雨吟偏苦喚艇夢華潭潭春柳芽
吐披蓑細雨中空濛響遊櫓

秋蟲

九品倣班書創作秋蟲表寒蛩居上上石縫吟聲
小同是鳴不平調澁愁偏繞如點孟郊詩能使有
情天

桃葉引

余名猫曰桃
葉作桃葉引

繡床午倦溪雲凍寶釵膩滑飛青鳳睡足烏圓芍
藥欄銀鈴敲斷遼陽夢流蘇癡拂綠蠻氈雙結盤
龍壓勝錢爪拏巧作於菟戲軟舞真成獅子旋雲

豐草者言集
圖錦帶名不珍桃根桃葉轉愁人渡江無楫遠山
綠兩岸繁花空暮春

賒書戒

合爪清香篆一窠休添公案結淆訛頒行無字經
中戒避債臺前受羯磨

書滿家兼畫滿厨莫教慟哭爲窮途喚醒懵懂高

陵子聞道無期早破觚

高陵子始未聞道其書滿家既聞道破觚朽牘見仙

傳

打點收書欲募錢綾裝冊葉結清緣幾番呈似還
羞澀誰仗文章種福田

自題草菴群碎錄

歲月頻仍疊紙繁南村碎事入清言憂愁壓倒孟

東野山水平分酈道元碧篆鐫牌裝白鳳

昔人以白鳳名

貓綠蓑衝雨買金萱石幢擬傍松根豎一任秋風

轉繡幡

後四句並記草菴近事

賣田

余存豐草菴田三十畝頃復以
十畝售人聊資瓶鉢作賣田詩

石湖雜興逐時催空剩田園紙一堆法味慣餐無

米飯衲袍還學稻畦栽

王少伯詩手巾花
氎淨香帔稻畦栽

丹青賦

筆三都麗水墨圖屏五嶽開故國山河春寂寂斜

陽芳草試登臺

秋夜吟

人行積水中踏亂青松影吹滅秋牕燈月白飛光

冷

秋日將至靈巖

芒鞋踏葉寺重投去看晴雲繞塔流響屨仍飛吳

苑月洞庭先結夢鄉秋有童負笈未孤客無事出

門纔壯遊只唱漁詞記歸日楓林細雨轉船頭

偶拈陶宗儀詩依韻賦卽事一首命樵兒和

之

枯樹根撐維艇石水苔綠繡跨溪砭千巖萬壑遊

偏獨竹裏蘆中影倒雙鬪雪藤牋吟霽月塞船書

軸放秋江西湖詞愛梅花老吹學君山鐵笛腔

菴中童子夢至靈巖

背錦囊行樵路新同穿石竇碧嶙峋收綸放鶴渾
閒事漆鏡堂添話夢人

待西溪客不至

仄硯曬池冰坐盡梅花月搜得無聲詩細與青藤
說懸知蕭寺句瘦琢郊島骨望盡石橋南古墳花
未折

還山吟

去聽禪房落葉聲更生老後易新名盆安古石人
稱恠庭有孤松欲謚貞筆運鼠鬚珍舊榻蚊飛豹
脚開新晴山空鹿散翠微響樵父村中小太平

漫興用前韻

凉心只遣聽松聲逃暑繇來似避名廬岳種蓮僧
許醉茅山香案吏偏貞
元道士張伯雨號貞居子失真盡類點
蒼石共隱人如蜀道晴險韻擅場誰第一鬼才李

豐草齋詩集
賀句難平

山夜晤友人

紙卷松牕罷寫經
懶忘縛帚掃空庭
流觴三月年逢癸
化鶴千年客姓丁
墻竹遮遲東嶺月
夜魚穿亂一江
星兒呈新句也癡
絕吟與高人把酒聽

秋齋雜興用前韻

山話青鞋舊所經
雨敲木葉響秋庭
借來箏譜傳銀甲
製得魚牋記枕丁
碁局子飛滇水碧
藥銖秤

刻古時星

孫思邈千金方藥稱三銖四銖

草堂粟盡空瓶倒
還飽

蛩聲一夜聽

樵兒和韻余復點筆

老來愛讀種松經
書譜乘閒習過庭
修竹逕涼圓夢社
采菱渡晚集漁丁
空悲法苑同文苑
便補茶星配酒星

森羅萬象中安知無茶星范文正詩也

狂料世間容不得

愁吟只遣綠蕉聽

夜讀石湖集復用前韻

霜園老後補騷經十二新詩草一庭

集有霜後園中草木十二

絕晚年

萬景樓圖煩畫筆

萬景樓詩序樓在漢嘉城中山上登覽勝絕殆

宛西州予令畫工作圖以歸

過溪亭創惱山丁

過虎溪對東林蒼巖翠樾下浸

大澗宛似靈隱冷泉囑長老法才作亭名曰過溪且為率山丁薙草定基

字訛真掃牕

堆葉

石湖集多訛字

吟緩看移竹罅星明日但教兒細讀

翠藤陰底枕書聽

擬鬪四聲牌待竟孚不至用韻促之

人似飛來一片霞草堂鑿井擬投車水橫籬角瓢

常滿屋靠楓根柱舊斜趨市山樵談野曆圍燈稚

子品詩家豈棚涼綠催同賞莫返空牋灑墨花

寄友人復用前韻

老看樓西一段霞結交戴笠莫乘車風高秋浦笛

聲變雲截小橋村勢斜八月江濤開病色茗溪山

翠落漁家人間那識聞遐草只道抽條似蕙花

背明

之國有聞遐草香如桂莖如蘭見拾遺記

漆鏡堂雜興

重拈瑞草表茶魁

杜牧之詩茶稱瑞草魁

石曰敲殘午夢回

王子券收新便了董生行續古嗟哉

王褒僮約奴名便了韓退

之作嗟哉董生行爲董召南悼不遇也

篆營奇體筆垂露琴斲名工

樣學雷文藁不須還作塚然成紙燭看飛灰

荅友人復用前韻

一代吳僊畫苑魁

吳小仙賜畫狀元印

圖開風雨報秋回隔

江竿影懷蘭若協律禽鳴憶善哉

鳳夜鳴曰善哉

客話瀟

湘膚寸雨兒啼天目一聲雷

天目峰頂聞山下雷如嬰兒啼聲

牌

分險韻詩才少料得君苗硯未灰

愁語復用前韻

從教鈍榜老掄魁塵外緣深性不回月惱諱秦聲

易正書拈生魄韻訛哉

陸德明尚書音義云哉徐音載

搜神岱岳

思臣寶拭劍豐城話姓雷野衲雄心元跋扈不須

煖律苦吹灰

閒操壬式轉河魁爲卜樵童乞米回誰共宋忠尋

日者却愁東野製傷哉猫睛線直中天午象齒花

生拔地雷萬一太平身沒後好尋骨塔告寒灰
夢華潭卽事用非翁疎字韻

白荳花陰藥杵疎閑忙爲曝舊藏書浮名徒益九
重障草木曾叅七不如秋園縛箒難供掃石壁纏
藤合受梳擬鑿小溪通釣艇從教野史補河渠

雨後放言復用前韻

草堂射覆未全疎一卷傳家卜雨書死後誰關羊
叔子病來長愧藺相如松垂山夜露聞滴鶴立涼

秋羽自梳開鑿六經同治水千秋十二賴新渠

共友人話元次山詩復用前韻

漫叟文章結響疎篋中集異世間書伏羲古樂人
難賞天寶臣謨總未如詩敵少陵同偃蹇調疑東
野廢爬梳繇來風雅通禪悟水影誰叅我是渠

雨中約西溪客復用前韻

懸知僧舍茗烟疎試剝南村冒雨書覓得野航蓬
未蓋寄來樵笠樣何如過眉落落筇堪杖垂領蕭

蕭髮免梳舊本如君勤掌錄疲秦設計暫穿渠
聞非翁卜居潯上復用前韻

一事猜君野計疎樵船疊架載圖書應憐山水茗
溪好得見移家盡裏如蟹舍朱顏楓葉醉松窻綠
髮雪晴梳木蘭製楫絲編纜相望柴門鑿小渠

兒輩過豐草菴呈詩復次前韻示之

共聽屋角竹蕭疎漫理清言摺舊書十九道中人
世換三千年內夢鄉如青松霜剥龍鱗老水藻風

吹石髮梳新寫西銘裝素軸從教舉眼見橫渠

咏漁婦復用前韻

水面燈穿網眼疎夜聽夫子讀漁書針敲釣艇兒
多戲影炤澄江鏡不如款乃曲依元結唱春風髻
學孟光梳浮家漫逐文禽隊石板橋南翠柳渠

有感復用前韻

竒峰雲散碧桐疎新斲楓盤遁洛書澗石止供樵
斧礪春旗空展茗芽如桃源像惜南唐盡倦繡圖

傳北宋梳

余見五代人淵明圖及周昉倦繡畫卷

只恐婆娑生意盡

賦中枯樹早填渠

自述復用前韻 二首

語語膏肓事事疎臣癡難及戀收書絕交古帖摹
來熟結客雄心老不如羨殺十洲仙枕夢拋將百
齒養生梳儒林近日輕圖籍暫使僧龕做石渠
鼓吹筠牕山雨疎夢華自錄紀年書憂盆內栢半
株槁話海中山一髮如客避茶烟門絕扣童貪仙

樣髻雙梳鷓鴣水界人知否西屬放生東釣渠

夏日同竟孚快論六書復用前韻

汪家爾雅學偏疎西漢文人誤六書七調律差緣
舊習九疑峰亂為相如卯金殺怪仙音謬温媪誰
將滯義梳要定形聲翻許慎放船秋水快通渠
荅兒輩問疾因話出門復用前韻

青松架滴雨珠疎累汝勤抄十日書只把隱謠吟

萬遍

余住菴之初手書鄭所南隱居謠命兒輩日誦一過

不須精舍問何如

豐直補詩集
筒郵樵子倘求茗信到秋山省寄梳豐草他年盡
前像衲衣人在百花渠

草菴紀事復用前韻

只有牙籤習未疎南村草木擬編書山看古記同
游夢雨聽秋簷得自如吟苦刻香催點筆詩狂握
髮幾停梳芙蓉手植前溪錦還喜同圍屋後渠

感事復用疎韻

江左風衰墨苑疎誰同討論未焚書典收舊楚珍

雞次花買吳興重洛如

吳興有洛如花
州有文士則生

注易硯枯

承露寫遮牕竹亂借風梳食人馬腹今皆是不獨

山經記蔓渠

山海經蔓渠之山有獸名
馬腹人面虎身而食人

復用疎韻荅竟孚

青松葉散石紋疎揮塵溪堂論道書透沼蓮花西
岳小垂牕梧子藥丸如散人屋做禽巢架東野風
將病骨梳門喜鷓鴣溪水遶村西還少杜鵑渠

晨起復用前韻

寺打晨鐘襟雨疎起來仰屋只箋書顛無宋帖襄
陽辨瘦有唐詩賈島如待購寶犀重飾劍莫輕象
齒漫雕梳珍竒滿架新籤富壓倒龍鱗西苑渠

贈方外交復用前韻

南村人似斷雲疎社結漁樵共讀書誰慕中華同
吉了不須禱過訝瞿如禱過之山有鳥名
瞿如鳥足人面老貪村
角騎牛穩肯鬪時裝墮馬梳交遇素心成異瑞錦

鸞緗背出軒渠

軒渠國
出錦鸞

